

Communicaziun a las medias dals 13 da schaner 2026

S&P Global Ratings: vinavant «AA» per la BCG

En il pli nov rapport da rating, publitgà da S&P Global, vegn la Banca Chantunala Grischuna (BCG) puspè valitada cun in excellent «AA». La diversificaziun dal retgav sur la media, la garanzia chantunala dal chantun Grischun e la ferma chapitalisaziun da la banca han manà a quest resultat.

En la valitaziun parta S&P Global dal fatg che la BCG vegn da mantegnair sia lunga posiziun sin il martgà e ch'ella vegn vinavant a sa diversifitgar en il private banking ed en l'administraziun da la facultad. Cun ina quota da participaziun al martgà chantunal da passa 50 pertschient consolidescha la BCG sia rolla sco purschidra dominante da finanziaziuns en la regiun. Plinavant sustegnan las participaziuns sia fermezza ed expertisa en soluziuns d'investiziuns e prestaziuns da cussegliaziun.

«La valitaziun eccellente da S&P conferma la fermezza finanziaria e la stabilitad da la BCG. Quai mussa che nus essan ina partenaria fidabla per la clientella en il Grischun e sur ils cunfins chantunals – oz ed en avegnir», di il CEO Daniel Fust davart il rapport da valitaziun.

La perspectiva da S&P Global Ratings per la BCG resta stabila. Quai è cunzunt d'engraziar a la disposiziun robusta da la banca, il polster da chapital aut e la garanzia constanta dal chantun Grischun.

Ulteriuras infurmaziuns sin gkb.ch/ratings.

Contact:

Thomas Müller, thom.mueller@gkb.ch, telefon +41 81 256 83 11

Bernhard Kobel, bernhard.kobel@gkb.ch, telefon +41 81 256 88 01

Banca Chantunala Grischuna, chascha postala, 7001 Cuira | medien@gkb.ch / gkb.ch/medien

La Banca Chantunala Grischuna.

La Banca Chantunala Grischuna porscha tut quai che qualifitgescha ina banca universala moderna – per persunas privatas, l'economia ed il maun public. La BCG è preschenta en tut las regiuns dal Grischun ed è cun passa 1'000 collavuraturas e collavuraturas ina da las pli grondas patrunas en il chantun. Dasper sias activitads economicas mussa la banca ses engaschament cun sponsoring, ils fonds d'engaschament da la BCG, sia collecziun d'art e sia lavur voluntara.

La BCG posseda participaziuns da maioritad da la Banca privata Bellerive AG e da la Albin Kistler AG. Plinavant è ella la suletta acziunaria da la BZ Bank AG. Il scrit da participaziun è quotà a la bursa dapi il 1985. Al resultat da fatschenta dal 2024 è il chantun Grischun sa participà incl. indemnizaziun da la garanzia chantunala cun 103.7 milliuns francs (report.gkb.ch).

Termins:

Quint annual 2025: ils 27 da favrer 2026

Radunanza da participantas: ils 9 da matg 2026